

- Խաւսէր 'ւ առակաւք յայտնէր  
 արքային թէ մահապարտ ես .  
 ԶՈւրիա մահու մատնես  
 Բերսաբէ զկինն յափրշտակես .
- 60 Ի խորոց սրտէ գոչեաց  
 եւ ասէր լալով . Մեղայ ես .  
 'Նաթանայ տեսեալ զըզնումն'  
 Տէր Աստուած զմեզն թողցէ քեզ :  
 Սողոմոն որդի Գաւթի  
 ըզկանաց ազգըն կու գովէ ,  
 Թէ ով ետ իմաստութիւն  
 դստերացն որ նախամաւրն է .  
 Որպէս ուսայ իմ կուսին  
 Գաբրիէլ իջմամբ աւետէ .
- 65 Աննայ 'ւ Եղիսաբէթի  
 սուրբ ծննդոցն որ ի յԵւայէ :  
 Ըզմեծն ի ծնունդս կանանց  
 եւ զընտրեալն ի յորովայնէ .  
 Գալ կուսին Մարիամու  
 յարգանդի մաւրն երկըրպագէ ,  
 Խաղայ եւ ցնծայ մանուկն  
 ելանել կամի ի յամէն  
 Յառաջընթաց կարապետ  
 Հաւր բանին իջման վկայէ :
- 70 'Տեառնէ փախեալ Յունան'  
 մտանէր ի ծով նաւական  
 Ալէկոծմամբ ընկզմիլ  
 կլանիլ կետին յորովայն .  
 Աւրինակ երեքաւրեայ էր  
 թաղման փրկչին յարութեան ,  
 Թքմամբ ելեալ ի 'Նինուէ  
 գոյժ տայր քաղաքին կործանման :  
 'Նրման համեմատ սորայ  
 Աղէկսանդր Մակեդոնացի ,
- 75 Ապակէ տաղաւարաւք  
 ծովն իջեալ յանդընդականի ,